

ቢያፓ ባሼ ማዔ ዓይኑሞ ዓይያ ካር

«ቢያፓ ባሼ ማዔ ዓይኑሞ» ጌይነቴ፥ ሃና ማፃኣፓ ናሹሞ ካላሊ ጊኢጊሸናያኩ፤ ዩንሢ ካላሎንሢዳፓ ባሼሢ ፃኣፒንቴሢ ዓይኑሞ ጎይሢ ማዓዛ ዓቲንቃሢ ላኣሌሎሞ፥ ላኣሌላ ሃሢ ዓቲንቃሢሞ ዓይናዳያኩ። ሃና ማፃኣፒላ ፔቴ ፔቴ ቡሊያ ማፃኣፖይዳ «ሴሎሞኔኮ ቢያፓ ባሻ ዓይኑሞ» ጌይነታዛ ሜሌ ማፃኣፖይዳ ጊንሢ «ዓይኑሞይዳፓ ቢያ ባሼ ኮሸካ ዓይኑሞ» ጌይነቲ ዔርታኔ፤ ሜሌ ቡሊያ ማፃኣፖይዳ ሃሢ «ሴሎሞኔ ዓይኑሞ» ጌይነታኔ፤ ዓይጎር ጌዔቴ ዔብሬ ዓሶ ሙኡጮ ማፃኣፖይዳ ዬይ ዓይኑማ ሴሎሞኔር ማዔያታሢ ዔርቴሢሮኩ።

ሃና ዓይኑማ ከሪሰቶሴና ሸኢጲያ ማኣርና ባኣካ ዓኣ ናሹሞ ዔርዛ ኮኣኪንሢ ዓርቄያኩ፤ ዓይሁዶ ዓሳ ጋዓንቴ «ፆኦሲና ዒሰራዔኤሌ ዳርና ባኣካ ዓኣ ናሹሞ ዔርዛ ኮኣኪንሢ ዓርቄያኩ» ጋዓኔ።

ማፃኣፒላ ዲማ ዲማ ዓርቄ ባኮ

- ቤርታሳ ዓይኑሞ (1:1—2:7)
- ላሞዓሳ ዓይኑሞ (2:8—3:5)
- ሃይሣሳ ዓይኑሞ (3:6—5:1)
- ፆይዳሳ ዓይኑሞ (5:2—6:3)
- ደንጋሳ ዓይኑሞ (6:4—8:4)
- ላሃሳ ዓይኑሞ (8:5-14)

1 ሴሎሞኔ ዓይናዳ፥ ቢያፓ ባሻ ዓይኑሞ

- ቤርታሳ ዓይኑሞ
- ዑኡቴሎ ዓይኑሞ
- 2 ናሹማ ኔኤሲ ዎይዶ ዑዣፓ ባሼ ታና ዎዛሳያ ማዔሢር ኔ ሙሱራ ታና ሄርቆንጎ።
- 3 ኔኤኒ ቲሽቴ ቲዣ ቃራ ሳውቃያኩ፤ ሱንያ ኔኤኮ ዔኤሊፃ ሳውቃ ቲዣ ፑኡኪሢፕዲኩ፤ ዉዲራሢ ኔና ናሸካሢ ዬያርኩ።
- 4 ኩጮ ታኣኮ ዓርቄ ጎቺ ታና ዔኪ ዓኣዳ፤

1:1 1ካኣቶ. ማ 4:32።

ኑ ዋላ ዑካዲ ዓኣደም፤
ካኣቲ ፔ ቆልፆ ጋሮ ታና ዓኪ ጌልዜኔ።

ዑኡቴሎኮ ላጎ ዓይኑም

ኔኤኮ ናሹማ ኮሺ ኑና ዋዛሳኔ፤
ዋይኖ ዑዠገይዳፓ ባሼ ናሹም ኔኤሲ ኑ ሄርሻኔ።

ዑኡቴሎ ዓይኑም

ዓይኑ ትና ሃያይዲ ናሽካሢ ፒዜኔ።
5 ዓጊሢ ሴሩሳላሜ ዓጮ ዉዲራሢ ዋይዘዋቴ!

ታኣኒ ካርሢኬ፤
ማዔቴያ ታኣኒ ሚዛጲኬ፤
ካርሡማ ታኣኮ ቄዳሬይዳ ዓፒሎና ማዢንቴ ማኣርጉዲኬ፤
ሚዛጲማ ታኣኮ ጋዓንቴ ሴሎሞኔኮ ካኣቴሞ ማኣር ጎኑሶ
ዓፒሎጉዲኬ።

6 ታና ካርሢሢ ዓቦ ሩኡጸኬ፤

ታኣኒ ካርቴሢሢ ታና ቶኦቺፖቴ፤
ታ ዓጊዶ ናኣቶ ማዔ ታ ጌርሲንሢ ታኣና ፑርቴሢሢ
ዋይኖ ጎዠ ታና ዓይኑ ካፒሴኔ፤
ዬያሮ ታኣኒ ታ ዋይኖ ጎዠ ካፒያ ሃሽኔ።

7 ታ ዓሺ! ታኣም ሂንዳ ኬኤዜ፤

ኔኤኮ ማራቶ ኔኤኒ ዓንካ ሃንቃይ?
ዓባ ሳዛ ማዓኣና ኔ ዓይኑ ዓንካ ቃኣቲሳንዳቴያ ታኣም ኬኤዜ፤
ታ ኔና ኮይያ ኔ ላጎ ቆልሞ ጊንያ ዓኣዲሢና
ዓፒላ ቶኦኪና ጉኡሊንቴ ላኣሊጉዲ ማዓሢና
ዛኣሊ ሺራሢ ዓይጎርዳይ?

ዑኡቴሎኮ ላጎ ዓይኑም

8 ኔኤኒ ላኣሎይዳፓ ቢያ ባሼ ሚዛጴሌ!

ቤዘ ኔ ዓሩዋያ ማዔቴ
ማራቶ ኮጲዘ ዓርቂ ዓኣዳ፤

ዋናናኣቶ ኔኤኮ
ሞኦያ ናኣቶ ጉርዶ ዓጮ ሄንቄ።

ዑኡታሢ ዓይኑም

9 ታ ሚሹ! ጊብፄ ካኣቲኮ ሳርጌሎ ያይቶ ጎቻ
ፓራሢ ባኣካ ዓኣ ዓጊዶ ፓሮ ኔኤኒ ማላኔ፤

10 ጋንጋራ ኔኤኮ ሚዛጲ ሙሊሢ ሹቺጉዲኬ፤
ባቃና ኔኤኮ ሚዛጲ ፓልሚሢና ማዓ ዴንቃያኬ።

11 ኑኤኒ ጋዓንቴ ቢራ ዓንጊ ፓልሞ

ዎርቄና ሚዛጲሶናያ ኔኤም ኮሻንዳኔ።

ዑኡቴሎ ዓይኑም

12 ካኣቲ ቃሚያ ሻኣሎይዳ ሙዖሮ ዴይ ዓኣንቴ
ታኣኮ ሳውቃ ቲዠ ሳውማ ጋሮ ዒዛኮ ዔኬኔ።

13 ታ ዒሺ፥ ታኣኮ ዳንዖ ባኣካ ላሃ
ሳውማ ዒዛኮ ያሺንቲ ዓኣ ኬርቤጉዲኬ።

14 ታ ዒሺ፥ ዒንጌዴ ጌይንታ ዎይኖ ቱኮ ቤዛ
ባቃሊ ዓኣ ቦኣሊ ቡኒጉዲኬ።

ዑኡታሢ ዓይኑም

15 ታ ሚሺ! ዎዚ ኔኤኒ ሚዛጲይ!
ዓውካራ ኔኤኮ ዎዚ ኮሻካይ!
ዓኣፓ ኔኤኮ ዶኦሌ ዓኣፒጉዲ ሚዛጲኔ።

ዑኡቴሎ ዓይኑም

16 ታ ዒሺ! ኔኤኒያ ሚዛጲታንቴም፤
ኮሺ ኔ ታና ዎዛሳኔ፤
ሻኣላ ኦኡኮ ዎርቄ ዓኣ ማኣቲጉዲ ዎዛሳያኬ።

ዑኡታሢ ዓይኑም

17 ማኣሮኮ ኦኡኮ ቱርቱራ ሊባኖኦሴ ሚያኬ፤
ሳካኣ ዚቢቆ ሚያና ማዢንቴያኬ።

2

ዑኡቴሎ ዓይኑም

1 ታኣኒ፥ ሳኣሮኔ ቦኣሎ ቡኖጉዲ
ዶኦቹዳ ባቃሌ ሚዛጲ ቡኒጉዲኬ።

ዑኡታሢ ዓይኑም

2 ታኣኮ ሚሺላ፥ ኔኤኒ ዉዱራሢ ባኣካ ጴዳ ዎዶና
ዓንጊሢ ባኣካ ዓኣ ሚዛጲ ቡኒጉዲኬ።

ዑኡቴሎ ዓይኑም

3 ታኣኮ ዒሺ፥ ማሌ ዴጌሢና ዎላ ቤኤዘዛ
ካዮ ሚያ ባኣካ ሚዛጲ ጴዳ ጋሲጉዲኬ፤
ታኣኒያ ሚርጌ ታና ዎዛሴም ዒዛኮ ሺባ ዴይ ሃውሺኔ፤
ዓኣፖዎ ሙይ ታኣኒ ዎዛዴኔ።

4 ዲዛኮ ሙያ ሙዋ ዳልጎ ከኤያ ታና ዲ ጌልዘኔ፤
ዲ ታ ዑፃ ባንዴራ ማሂ ዓርቄ ባካ ናሹሞከ።

5 ታ ዲዛ ናሽኪ ሃርጊንቴሂሮ
ዎይኖኮ ማሌ ዓኣፖ ሙኡዚ ታና ደዲሹዋቴ፤
ጋዘ ዓኣፖ ሙኡዚ ታና ዎዛሱዋቴ።

6 ፔኤኮ ሻውሎ ኩጮ ኬሬ ማሂ ጌሃኔ፤
ሚዛቆ ኩጮና ታና ዲ ኮንቃኔ።

7 ዲንሂ፡ ዩሩሳላሚ ዉዲራሂ!
ዲዚ ፔኤሮ ኮዓንዲያ ሂላንዳኣና
ዲዛ ዲንሂ ካኣሚ ጴቹዋጉዲ፤
ካዮ ቦ፡ ደቆዘና ሞይሎ * ሱንፆና
ታኣኒ ዲንሂ ሺኢቃኔ።

ለምዓሳ ዓይነት

ዑኡቴሎ ዓይነት

8 ታ ዲሼ ዲኮና ጌሚሮና ዑፃ ኮኦሚ ኮኦሚ ሙካኣና
ዑኡዛ ዲዛሲ ታኣም ዎይዚንታኔ።

9 ታኣኮ ዲሼ፡ ሞይሌና ደቆሲናኮ ናይ ማላኔ፤
ሃይሾ ኑ ማኣሮኮ ቲኢያ ዓጫ ዲ ዔቁ ዓኣኔ፤

ማኣሮኮ ፑልቶ ካሮና ጋሮ ባንሂ ዲ ዛጋኔ፤
ፑልቶ ካራ ጋሲ ኮሾና ጂኢኖና ሞኦኪ ዲ ታና ዛጋኔ።

10 ታ ዲሼ ሂዚ ታኣም ጋዓኔ፡-

ዑኡታሂ ዓይነት

ታ ሚሼሌ! ዔቁ፤

ታኣኮ ሚዛጴሌ! ሃኒ ዩኤ ኑ ዎላ ዓኣደም፤

11 ማይ፥ ባርጋ ጋፔኔ፤

ዲራኣ ሻንቁኔ፤

12 ዲማ ዲማ ቦኡሎ ቡና ቡኒያ ዓርቁኔ፤

ዓይናዲ ኮርጎ ዎዳ ሄሌኔ፤

ደኡሎ ዲላሂያኣ ኑ ዓጫ ዎይዚንታኔ።

13 ቤሌሶ ሚፃ ዓሚያ ዓርቁኔ፤

ዎይኖ ቡኖ ሳውማ ሳዖ ዔኮኔ፤

ዩያሮ ታ ሚሼሌ! ዔቁ፤

ታኣኮ ሚዛጴሌ! ሃኒ ዩኤ ኑ ዎላ ዓኣደም።

* 2:7 ደቆዘና ሞይሎ ዩንሂ ቦፖንሂ ሚናኣ ጫኣቁሞ ዎደና ጌኤሺ ቦፖኮ ጌይ ካኣሽከንታሂሮ ዔያቶኮ ዲማ ዎልቁ ዓኣኔ ጌይ ዩኖ ዎደ ዓሳ ጉሙርቃኔ።

14 ጋጋ ዓላ ላሎ ዛኣዚንጾይዳ
 ዓላሺንቲ ዴዔ ታኣኮ ዶኦሌሌ
 ሂንዳ ዓላፖ ካር ኔኤኮ ታና ዳዌ፤
 ዑኡዞዋ ኔኤኮ ታና ዋይዚሴ፤
 ዑኡዛ ኔኤኮ ታና ዋዛሳያ
 ኔኤኒ ኮሺ ሚዛጳያኬ።

ዑኡቴሎኮ ጌርሲንሢ ዓይኑም
 15 ዋይኖ ጎዡ ቡኒ ዓላ ዋይኖ ፑርቲሳ
 ዬያ ዳኮ ዳኮ ወኡካሢ
 ፒሪ ኑም ዓርቁዋቴ።

ዑኡቴሎ ዓይኑም

16 ታ ዒሺ ታኣርኬ፥ ታኣኒያ ዒዛርኬ፤
 ዒዚ ሚዛጳ ቡኖ ባኣካ ቆልሞ ፔኤኮ ሄንቃ።

17 ዲማ ካራንዳያ ሄላንዳኣና
 ጉቶ ዠባራ ዠባርሻንዳያ ሄላንዳኣና
 ታ ዒሺ! ሞይሌ ናይ፥ ጊንሣ ሃሣ ዶቆሲ ናይጉዲ
 ጋጎ ማዔ ዲኮ ቶኦካ ኮኦሚ ኮኦሚ ማዒ ሙኬ።

3

1 ዋንቶ ጉቤ ሻኣሎይዳ ታ ላሃዖ
 ዒናፓ ታ ናሽኬሢ ታኣኒ ኮዔኔ፤
 ታ ኮዔኔ፥ ጋዓንቲ ታ ዒዛ ዴንቁባኣሴ።

2 ሃሢ ታኣኒ ዔቁ ካታሞ ኬሰካንዳኔ፤
 ዴኤፖ ጎይዖና ዓሳ ቡካ ጸኦኮናይዳ ታ ሃንታንዳኔ፤

ዒናፓ ታ ናሽኬሢ ታ ኮዓንዳኔ፤
 ታ ዒዛ ኮዔኔ፥ ጋዓንቲ ታኣኒ ዴንቁባኣሴ።

3 ዒማና ካታሞ ሳዛ ሃንታ
 ካታሞ ካፓ ዓሳ ታና ዴንቁኔ፤
 ታኣኒያ ዔያቶ ኮራ

«ዒናፓ ታ ናሽካ ናዓሢ ዒንሢ ዴንቁያ?» ጌይ ዖኦጩ።

4 ዔያቶይዳፓ ዳካ ታ ዓኣዳዖ
 ዒናፓ ታ ናሽካሢ ታኣኒ ዴንቁኔ፤
 ቶሎዋጉዲ ዶዲሺ ታ ዒዛ ዓርቁኔ፤

ዬካፓ ታ ዒንዶ ማኣሪ ታ ዒዛ ዔኪ ዓኣዲ
 ታና ፔ ጎጳ ኬዴ፥ ታ ዒንዶ ቆልዖ ሄሊሳንዳኣና
 ታ ዒዛ ሃሺባኣሴ።

5 ዒንህሂ ዬሩሳላሜ ወዲራህ!
 ታ ናሽካህሂ ፔኤሮ ኮዓንዲያ ሄላንዳኣና
 ዒንህሂ ዒዛ ካኣሚ ጴቹዋጉዲ
 ካዮ ቦፆ፣ ደቆዘና ሞይሎ * ሱንፆና
 ታ ዒንህሂ ሺኢቃኔ።

ሃይሣሳ ዓይኑሞ

- 6 ኮርሞ ዓሶኮ ሳውቃ ጴኤሽጉዲ ቃራ ሳውሞ ዓኣ
 ዐንጅና ኬርቤ ጩቦናጉዲ ዔቁ
 ዓሳ ናንጉዋ ዳውላገ ሙካዛ ዬና ፆናዳይ?
- 7 ሃይሹ፣ ሴሎሞንኮ ሳርጌሎ ያይታ ሙኪ ሙኪኬ፤
 ዒሰራዔኤሌኮ ያሎና ዔርቴ ዓሶ ባኣካገ ደኦሪንቴያ
 ዒዘ ካገ ላሂታሚ ፖኦሊሴ ዋላ ዓኣኔ።
- 8 ቢያህሂ ጩንቾ ዓገሮና ያልቶ ጎይፆ ዔሬያ
 ያልዚናኣ ኮሺ ዔርቴያኬ፤
 ዲሞና ሄላኒ ዳንዳዓ ሚቶ ቃዛኒ
 ፔቴ ፔቴ ጩንቾ ዓገሮ ኬርና ዔያታ ቱኡቲ ዓኣኔ።
- 9 ካኣቲ ሴሎሞን ፔኤሞ ሳርጌላ ያይታ ኮሼኔ፤
 ዒዚ ኮሼህሂያ ሊባናኦሴ ሚፆናኬ።
- 10 ዬያ ያይቶኮ ቶካ ቢራ ዓንገና ጳርቂንቴያኬ፤
 ቶኦኮ ጌኤቂሶህሂያ ዋርቄና ኮሾናያኬ፤
 ዒ ዴዓ ቤዛኣ ዘቄ ዲንኪ ሻኣዣ ዓፒላና ካንቂንቴያኬ፤
 ኬኤፆ ጋራ ዬሩሳላሜ ወዲራህሂ ሚዛጲሴያኬ።
- 11 ዒንህሂ ጃዮኔ ወዲራህሂ! ካኣቲ ሴሎሞን ዛጋኒ ሃኒ ኬሰኩዋቴ፤
 ካኣቲ ሴሎሞን ፔኤኮ ቦንቾሮ ዓጎ ባኮ ዓጊ ዓኣህሂ ዛጉዋቴ፤
 ዒዛኮ ዬይ ቦንቾሮ ዓጎ ባካ ዒና ዒዛኮ ዋዛ፩
 ዒዛኮ ዔፖ ዓቤሎና ዒንዳ ዒዛኮ ቶኦካ ዓጌ ቦንቾ ባኮኬ።

4

ዑኡታህሂ ዓይኑሞ

- 1 ታ ሚሼሌ! ዋዚ ኔ ሚዛጳይ!
 ዋዚ ኔኤኒ ኮሽካይ!
 ዓኣፖ ካሮ ኔኤኮ ካንቆና ባኮ ባኣኪና ዓኣገ ኔኤኮ ጴዳኣና
 ደኦሌ ዓኣፒጉዲ ሚዛጳያኬ፤
 ቶኦኮ ጋማ ኔኤኮ ጌሌዓዴ ዲካገ ጎዒ ኬዳ

* 3:5 ደቆዘና ሞይሎ ጋዓዙ፡- ዓይህ 2:7ይዳ ዛጌ።

ዲቢ ዋኣሪጉዲከ።

2 ዓጩ ኔኤኮ ዔያቶ ባኣካ ሴኤካባኣ
ጉቤሢ ማንቴ ማንቴ ሾዓ

ጋፓኖ ታይዛዎ ዋኣሢና ማሰታ
ቦኣሬ ማራይጉዲ ሚዛጳክ።

3 ሙሱራ ኔኤኮ ዲንኪ ዘቄ ፓቲሌጉዲ ሚዛጳኔ፤
ኔ ገሰታኣና ሚርጌና ኮሽካኔ፤

ኔኤኮ ላምዎ ዛሎ ጋንጋራ

ዓኣፖ ካሮ ካንቆና ባኮ ባኣኪና ጳዳኣና
ላምዎ ፓቂንቴ ሮኣማኔ ዓኣፒ ማላያክ።

4 ባቃና ኔኤኮ ሺያና ፓይዲንታ ዖሎና ዔርቴ ዓሶኮ
ገቲሞና ዖሎ ዓንጋሞና ሱዲንቴ ዴዓ

ዖልዚም ዋርዲያ ማዓንዳጉዲ ኮሺንቴያ
ዳውቴኮ ዴጌ ቤዘ ማላኔ።

5 ላምዎ ዳንፃ ኔኤኮ ማንቴ ማይ ሾይንቴያ
ሚዛጳ ቡኖ ባኣካ ሃንቃ

ሞይሌ ናይ ማላኔ።

6 ሳዓ ካራንዳያ ሄላንዳኣና
ዲማ ፖዓንዳያ ሄላንዳኣና

ሌካ ከርቤ ዲኮ

ገንሣ ሃሣ ዑንጅ ጌሜሮ ታ ዴንዲ ሃውሻንዳኔ።

7 ታ ሚሼሌ! ጉቤ ካራና ኔኤኒ ሚዛጳክ፤
ሃይማ ፓጩኔ ጎዖንዶ ባኣዚ ኔኤኮ ባኣሴ።

8 ታኣኮ ዑኡቴሌ! ሊባኖኦሴፓ ታ ባንሢ ሃኒ ዩዔ፤
ሂዮ፣ ሊባኖኦሴፓ ታ ኮይላ ሙኩ።

ዓማኣና ዲኮ ቶኦካፓ ኬዴ፤

ዘቢና ማኣኪናኮ ናንጎ ቤዘ ማዔ
ሴኒሬና ሄርሞኔ ዲኮናፓ ኬዲ ሃኒ ዩዔ።

9 ታኣኮ ናሽኪንታያ ሜዔ ዑኡቴሌ

ፔቴና ኔኤኒ ታና ዛጌ ዛጎና

ኔኤኮ ቆርጮይዳ ዓኣ ሚዛጳ ፓልማሢና

ዒኖ ታኣኮ ኔኤኒ ዲዔኔ።

10 ታኣኮ ናሽኪንታ ዑኡቴሌ!

ናሹማ ኔኤሲ ዎዚ ታና ዎዛሳይ!

ናሹማ ኔኤሲ ዎይኖ ዑዣፓ ባሼ ታኣም ኮሽካኔ፤

ሳውቃ ቲዣኮ ሳውማ ሳዎ ቲዣ ቢያፓ ባሼኬ።

- 11 ታኣኮ ዑኡቴሌ! ኔኤኮ ሙሱራፓ ዔኤሲ ያሎሊ ያዳኔ፤
 ዳንጋፓ ኔኤኮ ዔኤሲና ዲኢቁና ዓልቃኔ፤
 ዓፒሎኮ ኔኤኮ ሳውማ ሊባኖኦሴይዳ ዓኣ ሳውቃ
 ዴኤሾጉዲኬ።
- 12 ኔኤኒ ታኣኮ ናሽኪንታ ዑኡቴሌ!
 ኔኤኒ ዲርቆና ዲማ ዲማ ባኣዚ ቱኮ ጎሺ
 ጊንሣ ሃሣ ኮይላ ዲርቁንቱ ዓልቃ ዋኣሢኬ።
- 13 ኔኤኮ ሃንቶ ጎይፃ ዓኣሢ ዓኣፒ ኩሜ
 ሮኣማኖ ሚፃ ዓኣ ጎሺጉዲኬ።
- 14 ናርዶኦሴ፣ ሃሞባልታ፣ ዳጅሳኣሬንታ ቁሬፓንታ
 ዬያጉዲ ሳውማ ዑንጃጉዲ ማዔ
 ዲማ ዲማ ቱኮና ባኣዚ ዒዘይዳ ዓኣኔ፤
 ኬርቤንታ ዋላንጎ ቡኒንታ
 ዲማ ዲማ ሳቂ ዴኤሻ ዒኢካ ባቃላኔ።
- 15 ኔኤኒ ቱኪንቱ ዲማ ዲማ ባኮ ዑሻ ዓልቃ ዋኣሢጉዲኬ፤
 ዓልቃ ዋኣሢ ዓኣ ዋኣሢ ዔቴጉዲኬ፤
 ዬያ ሌሊቱዋንቱ ሊባኖኦሴ ዱኮ ዴማፓ ዓልቃ ዋርዚጉዲኬ።

ዑኡቴሎ ዓይኑሞ

- 16 ኬዶ ባንያ ዠባራሢዮ! ጴጪ ዔቁ!
 ኔኤኒ ሃሣ ደኦሎ ባንያ ዠባራሢዮ! ሃኒ ሙኬ!
 ታኣኮ ዲማ ዲማ ባኮ ቱኮና ቤዘይዳ ዠባርሹ፤
 ዬይ ዠባራ ኮሺ ሳውሞ ዓኣያ ማዖንጎ፤
 ታ ዒሹ፣ ዲማ ዲማ ባኮ ቱኮና ቤዘ ሙኮንጎ፤
 ኮሺ ዓኣፃያ ማዔ ሚፃ ዓኣፖዋ ሙዖንጎ።

5

ዑኡታሢ ዓይኑሞ

- 1 ታኣኮ ናሽኪንታ ዑኡቴሌ!
 ሃይሾ ታኣኒ ታኣኮ ዲማ ዲማ ባኮ ቱኮና ጎዡ ጋሮ ጌሌኔ፤
 ኬርቤንታ ዲማ ዲማ ሳውቃ ቡኖ ታኣኒ ማንፃኔ፤
 ዔኤዘ ያሎሎ ሾፖና ዋላ ታኣኒ ሙዔኔ፤
 ዋይኖ ዑዡንታ ዲኢቆንታ ታኣኒ ዑሽኬኔ።

ዑኡቴሎ ላጎንሢ ዓይኑሞ

ኑ ላጎንሢሮቴ!
ናሹሞ ዒንሢ ዒና ዓአሣንዲያ ሄለንዳኣና
ሙይ፡ ዑሽኩዋቴ።

ገይዳሳ ዓይነት

ዑኡቴሎ ዓይነት

2 ታኣኒ ገንዓዛ፡ ዒና ታኣኮ ጋዓንቴ ጳቸኬ፤
ታ ዒሼ ሂዚ ጌይ ዔኤሊንታንቴ ታ ዋይዜ፤
«ታኣኮ ናሽኪንታ ዑኡቴሎ!
ሃይማ ፓጩኔ ጌይሳ ባኣዚ ባኣ ዶኦሌሌ!
ሃዳራ ካሮ ታኣሞ ቡሌ፤
ቶኣካ ታኣኮ ገልካዴ፤
ጋማኣ ታኣኮ ዋንታኣ ቃኣያሢና ዋዔ።።»

3 ማኣዓሢ ታኣኮ ታኣኒ ኬሴ፤
ማይ ገንሣ ታኣኒ ማኣዖንዶ?
ቶኮዋ ታኣኮ ታኣኒ ማሰቴ፤
ዓካሪ፡ ገንሣ ዋዲ ፑርቲሶንዶይ?

4 ታ ዒሼ ዲኦና
ኩጮ ፔኤሲ ዳኬ፤
ዒና ታኣኮ ዒዛ ገይቴ ዱጳ።።

5 ዬያሮ ታ ዒሹሞ ካሮ ቡላኒ ታኣኒ ዔቄ፤
ካሮ ጎቺ ቡሎ ባኮ ታኣኒ ዓርቃዛ
ኩጫ ታኣኮ ኬርቤ ያዲሴ፤
ኬኤላኣ ታኣኮ ዬያ ሌሊ ማዔ።።

6 ታ ዒሹሞ ካሮ ታኣኒ ቡሌ፤
ጋዓንቴ ታ ዒሹ ባኣሴ፡ ዴንዴ፤
ዬያሮ ዒና ታኣኮ ኮሺ ዱጳ፤
ሚርጌና ታ ኮዔ፤ ጋዓንቴ ዒዛ ዴንቃኒ ዳንዳዒ ባኣሴ፤
ታ ዒዛ ዔኤሌ፤ ጋዓንቴ ዒ ታኣሞ ዬሂባኣሴ።።

7 ካታሞ ሳዞ ሃንቲ ሃንቲ ካፓ ዓሳ ዒማና ታና ዴንቄ፤
ዔያታ ታና ጳርቄ ማኣሳንሢ፤
ኬኤሎ ዲያ ዑፃ ዴዒ ካታሞ ካፓ ዓሳ
ገደዞ ማኣዓሢ ታኣኮ ጉሲ ዔኬ።።

8 ዒንሢ ዬሩሳላሜ ዉዱራሢ
ታ ዒሹ ዒንሢ ዴንቄያ ማዔ፤
ታኣኒ ዒዛ ማሊፃፓ ዔቄያና ሃርገንቴያታሢ

ዒንሢ ዒዛሞ ከኤዛንዳጉዲ ታ ሺኢቃኔ።

ዑኡቴሎ ላጎንሢ ዓይነጥ

- 9 ኔኤኒ ላኣሎ ቢያይዳገ ሚዛጴሌ!
 ጎኔና ዒሼ ኔኤኮ ሃንጎ ዓሶይዳገ ዲማዳ?
 ኔ ዒዛ ዛሎ ሃያይዲ ሃዳርሳሢ?
 ዒዚ ማሌ ዓሶይዳገ ዲማዳሢ ዓይጎናዳይ?

ዑኡቴሎ ዓይነጥ

- 10 ዒሼ ታኣኮ ኮሺ ሚዛጴያ ሃሢ ሃርጌ ባኣያኬ፤
 ታጶ ሺያ ዓቲንቄ ባኣካገ
 ዒዛ ሄላያ ባኣሴ።
- 11 ቶኣካ ዒዛኮ ጌኤሺ ዎርቄ ማላኔ፤
 ጋሞ ዒዛኮ ጋሞፒ ማዦናያ ቁራኬጉዲ ካርታያኬ።
- 12 ዓኣገ ዒዛኮ ዎርዚ ዓቺዳ ዓኣ
 ዑፆ ፔኤኮ ዲኢቁና ማሰቴ ዶኦሌ ማላኔ።
- 13 ጋንጋሮ ሚዛጴማ ዒዛኮ ዲማ ዲማ ሳውቃ ዴኤሻ
 ባቃሊ ዓኣ ጎሺጉዲኬ።
- ሙሱራ ዒዛኮ ቃራ ሳውሞ ዓኣ ከርቤ ጌይንታ ዴኤሻ
 ፆዲሳ ሚዛጶ ቡኖጉዲኬ።
- 14 ቃሳ ዒዛኮ ሚዛጶ ሹዎና ሚዛጶሶና ዎርቄ ኮኣሎጉዲኬ፤
 ዑፆ ዒዛኮ ሴንፔሬ ጌይንታ ሚዛጶ ሹዎና ሚዛጶሶና ዳርሲ
 ዓቺጉዲኬ።
- 15 ቶካ ዒዛኮ ዎርቄይዳ ዶቂንቴ
 ዒብኔቤሬዴ ጌይንታ ሹዎ ቱርቱር ማላኔ፤
 ማላሢ ዒዛኮ ሊባኖኦሴ ሚፆና ሚዛጶሶና
 ሊባኖኦሴ ዲኮጉዲኬ።
- 16 ዳንጋ ዒዛኮ ዔኤሲጉዲ ዓኣፃያኬ፤
 ጉቤና ዒዚ ኮሺ ሚዛጶኔ፤
 ዒንሢ፥ ዩሩሳላሚ ዉዲራሢኖቴ
 ታኣኮ ዒሼ ያዲኬ፤ ታ ላጋሢያ ዒዛኬ።

6

ዑኡቴሎ ላጎንሢ ዓይነጥ

- 1 ኔኤኒ ላኣሎ ቢያይዳገ ሚዛጴሌ!
 ኔ ዒሼ ዎዘም ዓኣዴይ?
 ኑ ዎላ ዒዛ ኮዓንዳጉዲ

ዒ ዳንዴ ባንዖ ኔ ኑሞ ኩኤዜ።

ዑኡቴሎ ዓይኑሞ

2 ታኣኮ ዒሼ ማራቶ ሄንቃኒና

ሚዛጶ ቡኖ ዔካኒ

ዲማ ዲማ ሳውቃ ዴኤሻ ቱኪንቴ ቤዘ ዓኣዴ።

3 ታ ዒሼ ታኣሮኬ፥ ታኣኒያ ዒዛሮኬ፤

ዒዚ ሚዛጶ ቡኖ ባኣካ ቆልሞ ሄንቃ።

ደንጋሳ ዓይኑሞ

ዑኡታሢ ዓይኑሞ

4 ታ ሚሼሌ! ኔኤኒ ቲርፃ ካታሞጉዲ ሚዛጶ፤

ዩሩሳላሜ ካታማ ኮሸካሢጉዲ ኔኤኒ ኮሸካ፤

ዖሎ ባንዲሮ ዓርቂ ኬሰኬ ዓሶጉዲ

ዓውካራ ኔኤሲ ዓሲ ዲቃሣያኬ።

5 ታ ሚሼሌ፥ ሃዳራ ዓኣፖ ኔኤኮ ታጊዳፓ ሺርሼ፤

ዩይ ዓኣፓ ኔኤኮ ታና ዲዒ ዔኪ ቱኡሲ ዓሲ ማሃ።

ቶኣኮ ጋማ ኔኤኮ ጌሌዓዴ ዲካፓ

ሳዒ ኬዳ ዋኣሪጉዲኬ።

6 ዓጩ ኔኤኮ ዔያቶ ባኣካ ፔቴታዖ ሴኤካባኣ

ሜንቴ ሜንቴ ሾዓያና ዋኣሢና ማሰቴ

ቦኦሪ ማራይጉዲ ዋዛሳያኬ።

7 ኔኤኮ ላሞዖ ዛሎ ጋንጋራ

ዓኣፖ ካሮ ካንቆና ባኮ ባኣኪና ጴዳኣና

ላሞዖ ፓቂንቴ ሮኦማኔ ዓኣፒ ማላ።

8 ላሂታሚ ጌኤሾንሢንታ ሳሊታሚ ሌሳንሢንታ

ፓይዳ ዔርቱዋያ ማዔ ሚዛጶ ዉዴሮ ናይ ዓኣያ ማዓኒ

ዲንዳዓ፤

9 ጋዓንቴ ታኣኒ ናሽካዛ ፔቴዞ ሌሊኬ፤

ዒዛ ሃይማ ፓጩኔ ጌይንታ ባኣዚባኣ

ደኣሌጉዲ ሚዛጶያኬ፤

ዒዛ ፔ ዒንደኮ ፔቴኬ፤

ዒዞ ሸኤ ዒንዳ ቢያፓ ዑሣ ዓኣሢ ዒዞ ናሽካ፤

ዉዴሮ ናኣታ ዒዞ ዛጊ ዛጊ «ኔ ዓንጂንቴያኬ» ጋዓ፤

ጌኤሾንሢንታ ሜሌ ሌሳንሢ ማዔ ካኣቲ ላኣላ ዒዞ ሄሮሻ።

10 ሃና ፖዒጉዲ ፖዒ ጴዳዛ

ዓጊኒ ዖይዲ ፖዓያጉዲ ፖዓዛ

ዓቢጉዲ ፖሊ ጴዳዛ
የሎ ባንዲሮ ዓርቂ ኬሰኬ የሎ ዓሰጉዲ
ዓውካራ ዓጊቻያ ማዕዘ
ሃና ያናዳይ?

11 ደአጮይዳ ባቃሊ ዋርቂ ዓአ ባኮ ታአኒ ዛጋኒ
ዎይና ቱሼቱ፣ ርአማናአ ቡኔቱ ዛጋኒ
ሌውዞ ጎዡ ታአኒ ኬዳኔ፤

12 ታ ዬያ ዔሪባአንቱ፣ ታአኮ ዓፃዲፃ ታና
ሳርጌሎ የይቶይዳ ካአቲ ናይጉዲ ዔኪ ዳይሣኔ።

ዑኡቱሎ ላጎንሣ ዓይኑም

13 ኔኤኒ ሱላሜ ዓሲ ማዕዘሌ! ዔዞ ሃኒ ማዕቲራ፤
ኔና ኑ ኮሺ ዛጎም ሃዳራ ማዕቲራ።

ዑኡቱሎ ዓይኑም

ማሃናይሜ ኮፃ ዛጋ ዓሲ ማሃ
ሱላሜ ዓሴሎ ዒንሣ ዓይጋ ዛጋይ?

7

ዑኡታሣ ዓይኑም

1 ካአቲ ናዔሌ!
ዲርዘ ዓአሣ ዓአ ቶካ ኔኤኮ ዎዚ ሚዛጳይ!
ጉባዛ ኔኤኮ ዓንጎ ሼኤሺ ኮሻ ዓሳ ሚዛጳሲ ኮሼ ፓልሞ
ማላኔ።

2 ጉልዓ ኔኤኮ ዎይኔ ዑሺ ዓርሦና ቢሪሌ ማላኔ፤
ኬርና ኔኤኮ ሚዛጳ ቡኒ ሺርሺ ቱኮና
ዛርጎ ናቲጉዲኬ።

3 ላምፆ ዳንፃ ኔኤኮ ሚንቱ ሾይንቱ ሞይሌ ናይ ማላኔ።

4 ባቃና ኔኤኮ ዳርሲ ዓቺና ሚዛጳሶና ጴጌ ቤዘጉዲኬ፤
ዓአፓ ኔኤኮ ጴጌፖ ካታሞ ሃሴቦኦኔ ጌሎ ካራ ዓአ
ቦቆሎ ዋአፃ ማላኔ።

ሲኢዳ ኔኤኮ ዒኢካ ዳዒ ዳማሰቆ ዛጋኒ
ኮሾና ሊባኖኦይዳ ዓአ ጴጌ ቤዘጉዲኬ።

5 ኔኤኮ ቶኦካ ቁርሜሎሴ ዲኮጉዲኬ፤
ኔኤኮ ማዢንቱ ቶኦኮ ጋማ ጉኡፃሲ ሱኮና ቃጪና ማላኔ።
ካአቲ ኔኤኮ ዬያ ማዢንቱ ቶኦኮ ሚዛጳሞና ዲዒንቱ።

6 ታ ሚሼሌ! ዎዚ ኔኤኒ ሚዛጳይ?

- ዎዚ ኔኤኒ ኮሽካይ?
- ኔ ናሽካ ናሹማ ዎዚ ዎዛሳይ?
- 7 ዔጳ ኔኤኮ ማኤጃጉዲኬ፤
ዳንፃ ኔኤኮ ማኤጃ ዓሞ ማላኔ።
- 8 ማኤጃ ሚያ ታኣኒ ገዲ
ዓኣፖ ማንጂያ ናሽካኔ፤
ዳንፃ ኔኤኮ ዎይኖ ዓሞጉዲኬ፤
ካሳ ኔኤኮ ጋሲ ካሢ ሳውቃያጉዲኬ።
- 9 ዳንጋ ኔኤኮ ቃራ ዎይኔ ዑሺጉዲኬ።

ዑኡቴሎ ዓይኑሞ

- ያዲ ማዔቴ ኮዢ ዎይኖ ዑዣ
ታ ዒሸኮ ሙሱሮና ዓጮ ባኣኪና
ሻኣዲ ኬዳያ ማፖንጎ።
- 10 ታኣኒ ታ ዒሻሢሮኬ፤
ዒዚያ ዓፃዲ ማላሢ ታናኬ።
- 11 ታ ዒሸ! ሃኒ ዩዔ፤
ካታማፓ ዙሎ ኬሰኪ ኑ ዎላ ዓኣደሞ፤
ዒባኖ ዒኣካ ኑ ዴንዲ ዎርቆሞ።
- 12 ሚኢሪ ዔቁ ዎይኖ ጎዢ ኑ ዓኣደሞ፤
ዎይኖ ቡና ዲኡቁያ ማዔቴ
ሮኦማናኣ ቡኔቴ ኑ ዛጎሞ፤
ዒኣካ ታና ታኣኒ ኔኤሞ ጉቤና ዓኣሢ ዒንጋንዳኔ።
- 13 ማንዳሪክሴ * ጌይንታ ሚያ ቡኖ ሳውሞንታ
ሃሢ ዲኡዘናሢ ማዔቴያ ካፄ ሚያ ዓኣፓኣ
ኑ ካራ ኩሚ ዓኣኔ፤
ታ ዒሸ! ዩያይዳፓ ታ ኔኤሞ ጌሣኔ።

8

- 1 ኔኤኒ ታ ዒንዶ ዳንያ ዳንቄ
ታ ጌርሲጉዲ ማዔቴ ዓይጎ፤
ጎይፃ ታ ኔኤና ካኣሚ ሄርቁቴ
ዓይጎ ዓሲያኣ ታና ቶኦቲንዲዎንቴኬ።
- 2 ታ ዒንዶ ማኣሪ ታ ኔና ዔኪ ጌልዜሞ
ዒኣካ ናሹሞ ዛላ ኔ ታና ዔርዛንዲያታንቴኬ፤

* 7:13 ማንዳሪክሴ ጋዓዘ፡- ማዢ. ማፃ 30:14ይዳ ዛጌ።

ታኣኒ ርኦማኖ ዓኣፖ ጨኩጾ
ዓኣፖ ዎይኖ ዑዠ ነና ዑሼያናንዳንቴኩ።

3 ዒዚ ሻውሎ ኩጮ ከሬ ማሂ ታኣም ጌሣኔ፤
ሚዛቆ ኩጮና ታና ዒ ኮንቃኔ።

4 ዒንሣ ዩሩሳላሜ ዉዲራሣ!
ታ ዒሻሣ ፔኤሮ ዔቁ ኮንዓዳያ ሄለንዳኣና
ዒንሣ ዒዛ ካኣሚ ጾቹዎጉዲ ሃዲራ ታ ዒንሣ ጋዓኔ።

ለሃሳ ዓይነትም

ዑኡቴሎ ላጎንሣ ዓይነትም

5 ፔ ላጋሣኮ ጌኤታ ጌኤቁንቲ
ዓሳ ናንጉዎ ዳውላፓ ሙካዛ ሃና ያናዳይ?

ዑኡቴሎ ዓይነትም

ሚና ኔ ዒንዳ ኔና ባኒ ሾዔ ቤዛ
ጋዘ ዴማፓ ታ ኔና ጾቹኔ።

6 ጋፑዎ ናሹዎና ኔ ዒኖ ጋራ ታና ኮንኮጉዲ ጫርጊ ሃሼ፤
ኔኤኮ ኩጮይዳኣ ዒማይዲ ታና ሌሊ ዓርቄ።

ናሹዎ ሃይቢጉዲ ዎልቄና ዓኣያኩ፤
ዒናፓ ናሽኮ ናሹዎዎ ዲኡፒጉዲ ፑርታኩ፤
ናሹዎ ሼኤላሣ ያኦሲ ታዎ ሼኤሎጉዲኩ።

7 ሚርጌ ዎኣሣ ናሹዎ ታሚ ዎዳኒ ዳንዳዑዎሴ፤
ዬይ ዲቦ ዎኣፃ ዔኤዳኒያ ዳንዳዑዎሴ፤

ዓሲ ፔኤኮ ዓኣ ቆሎና ቢያ ናሹዎ ሻንቃኒ ማሌቴ
ናሹዎ ሚኢሼና ሻንቁንቱዎኣሣር ዬይ ሚሚኢቻ ባኣዚ
ማዓኔ።

ዑኡቴሎኮ ጌርሲንሣ ዓይነትም

8 ሃጊ ኮንቾ ዴይሣባኣ ዳካ ጌኤዳ ኑኡኮ ዓኣኔ፤
ዓሲ ዒዛ ጎቻኒ ኑና ያኦጩቴ

ኑ ዓይጎ ባኣዚ ማዳኒ ዳንዳዓይ?

9 ዎንዴ ዒዛ ከኤሌ ዲሣ ማዔያታቴ
ዒዛ ዑፃ ቢራ ዓንጊ ሴኤላ ኑ ኮሼያናንዳኔ፤

ዒዛ ካታዎ ጌሎ ካሮ ማዔያታቴ
ሊባናኦሴ ሚያ ዓርሶና ላሻ ጋጋርዘና ኑ ዎዴያናንዳኔ።

ዑኡቴሎ ዓይነት

10 ዓካሪ ታኣኒ ከኤሌ ዲሢኬ፤
ዳንፃ ታኣኮ ሹዎና ኮሺንቴ ካፒያ ካፖ ዴጌ ቤዘኬ፤
ታኣኒ ዒዛና ዎላ ማዓኣና ታ ዒሾ ሃውሺሳያኬ።

ዑኡቴሎኮ ላጎ ዓይነት

11 ሴሎሞንኮ ባዓልሃሞኔይዳ ዎይኔ ጎሺ ዓኣኔ፤
ዬያ ዎይኖ ጎዡ ጎሽኪ ዎርቃ ዓሶሞ
ሚኢሼ ጨጊ ጨጊ ጎሽካንዳጉዲ ዒዚ ዒንጌኔ፤
ዬይ ፔቴ ፔቴ ዓሳ ፔቴ ሺያ ማዓ ሹቺ ቢራ ዒዛሞ ጨጋኔ።

ዑኡቴሎ ዓይነት

12 ታኣኮ ዎይኖ ጎዡ ታኣሮኬ፤
ዒዘ ሴሎሞኔ! ኔኤኒ ፔቴ ሺያ ሹቺ ቢራ
ጎዡ ጎሽካ ዓሳኣ ላሞዎ ጄኤታ ሹቺ ቢራ ዒካኒ ዳንዳዒ።

ዑኡታሢ ዓይነት

13 ኔኤኒ ታ ዑኡቴሌ! ዲማ ዲማ ባኮ ቱኮና ቤዘ ከሰኬቴ
ታ ላጋ ኔኤኮ ዑኡዘ ዎይዛኒ ኮዓኔ፤
ታኣሞ ሂንዳ ኔኤኮ ዑኡዘ ዎይዚሴ።

ዑኡቴሎ ዓይነት

14 ታ ዒሼ! ዑኬና ታ ባንሢ ሙኬ፤
ሳውቃ ዴኤሻ ባቃላ ዲኮ ዑፃ
ዪካ ሮኦታሢንታ ሞይላሢ ናኣቶጉዲ ማዔ።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929